

Sabah mohon kuota jemaah haji dapat ditambah

HARIAN METRO 29/7/2023

MIS: 16

Kota Kinabalu: Kerajaan negeri memohon kuota jemaah haji dari Sabah dapat ditambah, mulai tahun depan.

Menteri Sains, Teknologi dan Inovasi Sabah, Datuk Mohd Arifin Arif, berharap Lembaga Tabung Haji (TH) dapat memperjuangkan kuota untuk rakyat Sabah.

“Saya harap pada tahun depan akan bertambahlah kuota haji untuk Sabah. Tetapi Alhamdulillah pada tahun ini sudah bertambah, biasa hanya dua penerbangan dan kali ini enam penerbangan,” katanya selepas menyambut kepulangan kumpulan pertama jemaah haji Sabah di Lapangan Terbang Antarabangsa Kota Kinabalu (KKIA), di sini, semalam.

Difahamkan seorang jemaah haji dari Sabah meninggal ketika mengerjakan ibadah haji di Tanah Suci, pada musim haji tahun ini.

Mohd Arifin Arif berkata, jemaah lelaki warga emas berumur 75 tahun dari Kudat itu meninggal dunia disebabkan masalah kesihatan.

Katanya, proses pengurusan jenazah jemaah terbabit di Tanah Suci yang diken-



Saya harap pada tahun depan akan bertambahlah kuota haji untuk Sabah. Tetapi Alhamdulillah pada tahun ini sudah bertambah, biasa hanya dua penerbangan dan kali ini 6 penerbangan”

Mohd Arifin

dalikan pihak TH berjalan dengan lancar.

“Saya juga difahamkan pihak TH Sabah ada datang ke kampung arwah untuk menziarahi keluarganya dan ikut sama bertahlil dan berdoa untuk arwah,” katanya.

Seramai 274 jemaah haji Sabah tiba melalui dua penerbangan malam tadi, manakala empat lagi penerbangan membawa pulang jemaah haji Sabah dijadual tiba selepas ini.

Secara keseluruhan, seramai 1,079 jemaah haji dari Sabah terpilih mengerjakan rukun kelima Islam itu pada tahun ini.